



МОНГОЛ УЛС
ХЭНТИЙ АЙМГИЙН ЗАСАГ ДАРГЫН
АЛБАН ДААЛГАВАР

2023 оны 02 сарын 15 өдөр

Дугаар 02

Чингис хот

Ой, хээрийн гал түймрээс урьдчилан
сэргийлэх, тэмцэх зарим арга хэмжээний тухай

Улсын онцгой комиссын 2023 оны 2 дугаар сарын 02-ны өдрийн “Ой, хээрийн гал түймрээс урьдчилан сэргийлэх, тэмцэх зарим арга хэмжээний тухай” 01 дүгээр албан даалгаврыг үндэслэн ДААЛГАХ нь:

Хэнтий аймгийн хэмжээнд 2022 онд 8 суманд 15 удаагийн ой, хээрийн гал түймэр гарч 9380 га талбай шатаж, байгаль экологид 387,5 сая төгрөгийн хохирол, түймэр унтраахад гарсан шууд зардал 9,8 сая төгрөг нийт 395,1 төгрөгийн хохирол тус тус учирсан байна.

Гал түймэр унтраах үйл ажиллагаанд давхардсан тоогоор Онцгой байдлын газраас 228 алба хаагч, сум орон нутгаас 427 ажилтан албан хаагч, 122 автомашин техник хэрэгсэлтэйгээр 25 хоног ажиллаж унтраасан байна.

Ой, хээрийн гал түймрийн тоон мэдээг 2021 онтой харьцуулахад түймрийн гаралт 2 буюу 11,8 хувиар, түймэрт дайчлагдан ажилласан иргэдийн тоо 327 буюу 43,4 хувиар тус тус буурсан дүн гарсан бол түймэрт өртсөн ой болон бэлчээрийн талбай 6,085.7 га буюу 64,9 хувиар, байгаль экологид учирсан хохирол 9,7 сая төгрөг буюу 2,5 хувиар тус тус өссөн дүнтэй байна.

Ус, цаг уур, орчны шинжилгээний төвөөс 2023 оны 3 дугаар сард агаарын температур: олон жилийн дунджийн орчим, 4 дүгээр сард агаарын температур бүх нутгаар олон жилийн дунджаас дулаан, 5 дугаар сард агаарын температур олон жилийн дунджийн орчим байх төлөвтэй байна. Хур тунадас: 3, 4 дүгээр сард ихэнх нутгаар олон жилийн дунджийн орчим, 5 дугаар сард бүх нутгаар олон жилийн дунджаас бага хур тунадастай байх төлөвтэй байна.

Цаг агаарын урьдчилсан мэдээнээс үзэхэд хаврын саруудад ихэнх хугацаанд бүх нутгаар олон жилийн дунджаас дулаан, хур тунадас бага, салхи шуурга их, хуурайшилттай байх магадлал өндөр байна.

231030370

2.

Улсын онцгой комиссын 2023 оны 2 дугаар сарын 02-ны өдрийн “Ой, хээрийн гал түймрээс урьдчилан сэргийлэх, тэмцэх зарим арга хэмжээний тухай” 01 дүгээр албан даалгаврын хэрэгжилтийг хангуулах, сум орон нутагт ой, хээрийн гал түймрээс урьдчилан сэргийлэх, тэмцэх ажлыг эрчимжүүлэх зорилгоор даалгасугай.

Нэг. Сумдын Засаг дарга нарт:

1.1 Ойн тухай хуулийн 6 дугаар зүйлийн 6.5-д заасныг хэрэгжүүлэн ой, хээрийн гал түймрийн цагийн байдлын талаарх мэдээг Онцгой байдлын газарт тухай бүр болон хагас, бүтэн жилээр гаргаж өгөхийг,

1.2 Гамшгаас хамгаалах тухай хуулийн 32 дугаар зүйлийн 32.1.2 дахь заалтыг хэрэгжүүлэн нутаг дэвсгэрийн онцлогт нийцүүлэн ой, хээрийн гал түймэр унтраахад дайчлах мэргэжлийн анги, сайн дурын хэсгийг байгуулах, тодотгол хийх, тэдгээрийг ой, хээрийн гал түймрийн үед үүрэг гүйцэтгэх дадлага, чадвартай болгохыг,

1.3 Галын аюулгүй байдлын тухай хуулийн 3 дугаар бүлгийн 15 дугаар зүйлийн 15.1.4-д заасныг хэрэгжүүлэн нутаг дэвсгэртээ гал түймэртэй тэмцэх сайн дурын хэсэг ажиллуулах, тэдгээрийн зардлыг жил бүрийн төсөвт тусган шийдвэрлүүлэхийг,

1.4 Галын аюулгүй байдлын тухай хуулийн 3 дугаар бүлгийн 15 дугаар зүйлийн 15.1.7-д заасныг хэрэгжүүлэн ой, хээрийн гал түймрийн эрсдэл өндөртэй газарт түймэр тархахаас урьдчилан сэргийлэх зурвас шинээр байгуулах, зурвасыг сэргээх төсөв, төлөвлөгөөг сум, багийн иргэдийн Төлөөлөгчдийн Хурлаар хэлэлцүүлэн, батлуулж, хэрэгжүүлэхийг,

1.5 Ойн тухай хуулийн 17 дугаар зүйлийн 17.1.5-д заасныг хэрэгжүүлэн гал түймэртэй тэмцэх сайн дурын хэсгийн ажилтнуудад хууль, эрх зүйн болон гал түймрийн аюулаас урьдчилан сэргийлэх, гарсан ой, хээрийн гал түймрийг шуурхай унтраах мэдлэг олгох, дадлагажуулах, ажилтнуудын бэлтгэл бэлэн байдлыг хангуулах сургалт дадлагыг орон нутгийн Онцгой байдлын байгууллагатай хамтарч зохион байгуулах, шаардагдах зардлыг сумын Засаг даргын нөөц хөрөнгөөс шийдвэрлэхийг,

1.6 Ойн тухай хуулийн 17 дугаар зүйлийн 17.2.13-д заасныг хэрэгжүүлэн ой, хээрийн гал түймэр гарсан үед бүрэн эрхийнхээ хүрээнд хүн хүч, техник хэрэгслийг дайчлан, гарсан гал түймрийг унтраах ажлыг шуурхай зохион байгуулахыг,

1.7 Ойн тухай хуулийн 43 дугаар зүйлийн 43.1, Засгийн газрын 2013 оны 106 дугаар тогтоолыг хэрэгжүүлэн ой, хээрийн гал түймрээс учирсан хохирлыг хуулийн хугацаанд тогтоож тайланд тусгахыг,

1.8 Засгийн газрын 2013 оны 106 дугаар тогтоолын 2 дугаар хавсралтын 1.7.1-д заасныг хэрэгжүүлэн хавар, намрын хуурайшилтын улиралд Засаг даргын захирамжаар хуваарь гарган хөдөлгөөнт эргүүл, шалгалт хийх, шаардлагатай газар нутагт хяналтын цэг байгуулан ажиллахыг,

1.9 Засгийн газрын 2013 оны 106 дугаар тогтоолын 3 дугаар хавсралтад заасны дагуу сум, тосгодын нутаг дэвсгэрт ой, хээрийн гал түймрээс урьдчилан сэргийлэх, тэмцэхэд зайлшгүй шаардлагатай багаж, хэрэгслийг бэлтгэх, бэлэн байдлыг хангуулахыг,

1.10 Ой, хээрийн гал түймэр унтраахад дайчлах гамшгаас хамгаалах алба, мэргэжлийн анги, сайн дурын хэсгийн ой, хээрийн гал түймэр унтраах сургалт, дадлагыг зохион байгуулахыг,

1.11 Ой, хээрийн гал түймрээс урьдчилан сэргийлэх, тэмцэх арга хэмжээний орон нутгийн хөтөлбөр, төлөвлөгөө, шаардагдах төсвийг батлуулан хэрэгжилтийг хангуулах, биелэлтэд хяналт тавихыг,

1.12 Ой хээрийн гал түймрийн нөхцөл байдал хүндэрч сум, тосгодоос нэмэлт хүн хүч дайчлан ажиллах үед бие бүрэлдэхүүний эрүүл мэндийг хамгаалах зорилгоор харьяа эрүүл мэндийн асуудал хариуцсан байгууллагаас тусгай баг томилон ажиллуулахыг,

1.13 Ой, хээрийн гал түймрийн аюулаас урьдчилан сэргийлэх сэрэмжлүүлэг, орон нутгийн цаг уурын өртөөнөөс цаг агаарын мэдээ, мэдээллийг авч "Багц" мессэжний үйлчилгээг ашиглан ард иргэдэд шуурхай хүргэх, шаардагдах зардлыг сумын Гамшгийн эрсдэлийг бууруулах зардлаас шийдвэрлэхийг,

1.14 Бүх шалны Засаг дарга нар 2023 оны 3 дугаар сарын 20-ны өдрөөс 2023 оны 6 дугаар сарын 10, 2023 оны 9 дүгээр сарын 20-ны өдрөөс 2023 оны 11 дүгээр сарын 10-ны өдрийн хооронд хуурайшилтын "аюултай", "нэн аюултай" зэрэгт хүрсэн үед ойн сангаас мод бэлтгэх, ойн дагалдах нөөцийг ашиглах, аялал зугаалгаар явах болон бусад үйл ажиллагааг хязгаарлах захирамж гарган хэрэгжилтэд хяналт тавьж, олон нийтийн мэдээллийн хэрэгслээр сурталчлахыг,

Хоёр. Байгаль орчин, аялал жуулчлалын газрын дарга Б.Дархантөрд:

2.1 Ой, хээрийн гал түймэр гарах эрсдэл өндөртэй сум, тосгон, багуудад Гамшгаас хамгаалах тухай, Галын аюулгүй байдлын тухай, Ой тухай, Байгаль орчныг хамгаалах тухай хуулиуд, Засгийн газрын 2013 оны 3 дугаар сарын 22-ны өдрийн 106 дугаар тогтоолын хэрэгжилтийг хангуулан техник багаж хэрэгслийн нөөцийг бүрдүүлж, бэлтгэл, бэлэн байдлыг дээшлүүлэн ажиллахыг,

4.

2.2 Ойн тухай хуулийн 13 дугаар зүйлийн 13.1.30-д заасныг хэрэгжүүлэн ой, хээрийн гал түймрийн аюултай үед ой, хээрийн гал түймрээс сэргийлэх, орон нутагт эргүүл, харуул ажиллуулах болон энэ ажилд бүх нийтийг татан оролцуулах талаар нутгийн захиргааны байгууллагатай хамтран ажиллахыг,

2.3 Монгол Улсын Ерөнхийлөгчийн 2019 оны 153 дугаар зарлигийг хэрэгжүүлэх төлөвлөгөөний 2.15-д заасныг хэрэгжүүлэн ой, хээрийн гал түймрээс урьдчилан сэргийлэх, аюул тулгарсан тохиолдолд авч хэрэгжүүлэх арга хэмжээ, зохион байгуулалтын талаар олон нийтэд мэдээлэл, заавар, зөвлөмжөөр хангах, нэвтрүүлэг бэлтгэх, сургалт сурталчилгаа зохион байгуулахыг,

2.4 Монгол Улсын Ерөнхийлөгчийн 2019 оны 153 дугаар зарлигийг хэрэгжүүлэх төлөвлөгөөний 1.4-т заасныг хэрэгжүүлэн ой, хээрийн гал түймрийн эрсдэл өндөртэй бүс нутагт гал түймрээс урьдчилан сэргийлэх хяналтын нислэг үйлдэх зардлыг төсөвт тусгаж, Зэвсэгт хүчний байгууллагатай хамтран нислэг үйлдэхийг,

2.5 Ойн тухай хуулийн дагуу хавар, намрын хуурайшилтын улиралд ойн сангаас мод бэлтгэх, ойн дагалдах баялгийг ашиглах, аялал зугаалгаар явах үйл ажиллагааг тодорхой хугацаагаар хязгаарлах, холбогдох хууль хяналтын байгууллагуудтай хамтран хэрэгжилтэд хяналт тавьж ажиллах, хууль, дүрэм, журмыг зөрчсөн иргэн, хуулийн этгээдэд авсан арга хэмжээний талаар олон нийтэд мэдээлэхийг,

2.6 Ой, хээрийн гал түймрээс урьдчилан сэргийлэх зорилгоор ойн арчилгаа, цэвэрлэгээ, нөхөн сэргээлт хийх, хамгаалалтын шороон болон ойн зурвасыг сэргээх, шинээр нэмж хийх, усан сан, цөөрөм байгуулах ажлыг зохион байгуулахыг,

2.7 Ойн сан бүхий газарт гал түймэртэй тэмцэх, түүнээс сэргийлэх талаар Ойн тухай хуулиар тогтоосон шаардлагыг биелүүлээгүй иргэн, хуулийн этгээдийг Зөрчлийн тухай хуульд зааснаар арга хэмжээ авч, улсын байцаагчийн эрхтэй байгаль хамгаалагч нарын ажлыг эрчимжүүлж ажиллахыг,

2.8 Зөрчил шалган шийдвэрлэх тухай хуулийн 1.8 дугаар зүйлийн 6.10 дахь хэсэгт заасан харьяаллын дагуу зөрчлийг шалган шийдвэрлэхийг,

2.9 Зөрчлийн тухай хуулийн 7.9 дүгээр зүйлийн 7 дахь хэсэгт заасныг зөрчиж ойн сан бүхий газарт гал түймэртэй тэмцэх түүнээс урьдчилан сэргийлэх талаар хуульд заасан шаардлагыг биелүүлээгүй хүн, хуулийн этгээдэд хариуцлага тооцохыг,

2.10 Зөрчлийн тухай хуулийн 7.9 дүгээр зүйлийн 10 дахь хэсэгт заасныг зорчиж ойн тухай хуулиар тогтоосон шаардлагыг биелүүлээгүй хүн, хуулийн этгээдэд хариуцлага тооцохыг,

Гурав. Цагдаагийн газрын дарга, хурандаа Д.Батхүүд:

3.1 Ойн тухай хуулийн 16 дугаар зүйлийн 16.1.1-д заасныг хэрэгжүүлэн ой, хээрийн гал түймрийн шалтгаан, эзэн холбогдогчийг тогтоох, энэ тухай холбогдох мэдээллийг улирал бүр Онцгой байдлын газар болон аймгийн онцгой комисст ирүүлэхийг,

3.2 Ойн тухай хуулийн 16 дугаар зүйлийн 16.1.2-д заасныг хэрэгжүүлэн ой, хээрийн гал түймрийн аюултай үед ойд зорчих иргэд, тээврийн хэрэгслийн хөдөлгөөнийг хориглох, орон нутгийн төр захиргааны байгууллагатай хамтран байнгын болон хөдөлгөөнт хяналт, шалгалтын цэг ажиллуулахыг,

3.3 Онцгой байдлын ерөнхий газрын дарга, Цагдаагийн ерөнхий газрын даргын 2017 оны 1 дүгээр сарын 16-ны өдрийн А/10, А/16 дугаар хамтарсан тушаалаар батлагдсан объектын болон ой, хээрийн гал түймрийн үед хамтран ажиллах журмыг хэрэгжүүлж ажиллахыг,

3.4 Онцгой байдлын ерөнхий газрын тэргүүн дэд дарга бөгөөд штабын дарга, Цагдаагийн ерөнхий газрын Экологийн Цагдаагийн албаны дарга нарын 2021 оны 3 дугаар сарын 01-ний өдөр баталсан ой, хээрийн гал түймэртэй тэмцэх чиглэлээр хамтран ажиллах төлөвлөгөөний хэрэгжилтэд хяналт тавьж ажиллахыг,

3.5 Ой, хээрийн гал түймрийн талаарх мэдээ, мэдээллийг хүлээн авсан тухай бүр төв, орон нутгийн Онцгой байдлын байгууллагад мэдэгдэх, харилцан шуурхай мэдээ мэдээллийг солилцохыг,

Дөрөв: Хилийн 0287 дугаар ангийн захирагч,
хурандаа П.Мөнхбаатарт:

4.1 Хил орчмын ой, хээрийн гал түймэртэй тэмцэх чиглэлээр Онцгой байдлын газартай хамтран сургалт зохион байгуулж, бие бүрэлдэхүүнийг шаардагдах техник, багаж хэрэгслээр хангахыг,

4.2 Хил орчим гарсан ой, хээрийн гал түймрийн мэдээллийг Онцгой байдлын газар, Байгаль орчин, аялал жуулчлалын газарт шуурхай мэдээлэх, цаг алдалгүй унтраах, арга хэмжээг зохион байгуулахыг,

4.3 Хилийн бүс, хил орчмын нутаг дэвсгэр, хөрш зэргэлдээх орнуудын хил дамнан гарсан ой, хээрийн гал түймрийг унтраах, түймрийн тархалтыг таслан зогсоох, үйл ажиллагаа явуулах үед хоёр улсын томилгоот алба хаагч, иргэдийг хялбаршуулсан журмаар хил нэвтрүүлэх асуудлыг хоёр улсын Засгийн газар хоорондын байгуулсан хэлэлцээр бусад хууль тогтоомжийн хүрээнд зохион байгуулахыг,

4.4 Хил дамнан орж ирсэн болон хил давж гарсан ой, хээрийн гал түймрийн талаарх мэдээллийг тухай бүр аймгийн Онцгой комисст болон Онцгой байдлын газарт албан бичгээр хүргүүлж баримтжуулахыг,

Тав. Ус, цаг уур орчны шинжилгээний төвийн дарга Г.Хэрлэнчимэгт:

5.1 Хуурайшилтын зэрэг, цаг агаарын төлөв байдлын мэдээг урьдчилсан байдлаар болон нарийвчилсан байдлаар бэлтгэн гаргаж Онцгой байдлын газар болон Байгаль орчин, аялал жуулчлалын газруудыг мэдээллээр хангаж ажиллахыг,

5.2 Экспедицийн бэлтгэл, бэлэн байдлыг хангаж шаардлагатай үед цаг агаарт зориудаар нөлөөлж хур тунадас оруулах ажлыг Байгаль орчин аялал жуулчлалын газартай хамтран зохион байгуулахыг,

5.3 Иргэдэд хавар, намрын хуурайшилтын зэрэг, ой, хээрийн гал түймрийн аюулаас урьдчилан сэргийлэх сэрэмжлүүлэг, цаг агаарын мэдээг хэвлэл мэдээлэл болон бүх төрлийн цахим орчин ашиглан шуурхай хүргэхийг,

5.4 Ойн тухай хуулийн 3 дугаар бүлгийн 13 дугаар зүйлийн 13.1.16-д заасны дагуу Ус, цаг уур, орчны шинжилгээний төвөөс цаг агаарын болон ой, хээрийн гал түймрийн голомт, тархалтын зураг, хуурайшилтын мэдээг тухай бүрт (баяр, амралтын өдрүүдэд) шуурхай боловсруулж Онцгой байдлын газарт хүргүүлэхийг,

5.5 Цаг агаарт зориудаар нөлөөлөх ажиллагаанд шаардагдах төсөв, шаардлагатай техник, тоног төхөөрөмж, сумны нөөцийг бүрдүүлэх, тэдгээрийн аюулгүй ажиллагаа, хадгалалт, хамгаалалтад хяналт тавих, шаардлагатай үед ашиглахыг,

Зургаа. Онцгой байдлын газрын дарга,
хурандаа Ж.Эрдэнэбатад:

6.1 Ой, хээрийн гал түймрээс урьдчилан сэргийлэх, унтраах, сургалт сурталчилгаа явуулах, дадлага сургалтыг сум, тосгон болон төрийн бус байгууллага, хуулийн этгээд, иргэдийн оролцоотой зохион байгуулахыг,

6.2 Орон нутгийн хэмжээнд ой, хээрийн гал түймрээс урьдчилан сэргийлэх үйл ажиллагааг төлөвлөх, унтраах ажлыг зохион байгуулахад төрийн байгууллага, нутгийн өөрөө удирдах, нутгийн захиргааны байгууллага болон хуулийн этгээд, иргэдийн оролцоог уялдуулан зохицуулах, тэдгээрт мэргэжил арга зүйн туслалцаа үзүүлэхийг,

6.3 Онцгой байдлын газрын ой, хээрийн түймэртэй тэмцэх автомашин, тоног төхөөрөмж, багаж хэрэгслийн бэлтгэл бэлэн байдлыг хангахыг,

7.

6.4 Ой, хээрийн гал түймрийн нөхцөл байдал хүндэрсэн үед Гамшгаас хамгаалах тухай хуулийн 6 дугаар бүлгийн 29 дүгээр зүйлийн 29.1.7-д заасныг хэрэгжүүлэн гамшгаас хамгаалах үйл ажиллагаанд шаардагдах хүч хэрэгслийг дайчлан оролцуулах, тэдгээрийг мэргэжлийн удирдлагаар хангахыг,

6.5 Ой, хээрийн гал түймрийн голомтод олон хоног, удаан хугацаагаар ажилласан үед алба хаагчдын өдөр тутмын болон хамгаалах тусгай хувцас эдэлгээний хугацааг харгалзахгүй нөхөн хангалт хийхийг,

6.6 Ой, хээрийн гал түймрээс урьдчилан сэргийлэх, авран хамгаалах, унтраах ажлыг нэгдсэн удирдлага, бодлого, зохион байгуулалтаар хангах, гал түймрийн улсын хяналтыг хэрэгжүүлэх ажлыг зохион байгуулахыг,

6.7 Ой, хээрийн гал түймрийн эрсдэл ихтэй сумдад “Шуурхай бүлэг”-ийг томилон урьдчилан сэргийлэх, унтраах арга хэмжээг зохион байгуулахыг,

6.8 Аймгийн Засаг даргын нэрэмжит ой, хээрийн гал түймрээс урьдчилан сэргийлэх бэлэн байдлын үзлэгийг 2023 оны 04 дүгээр сард зохион байгуулах, үр дүнг тооцон ажиллахыг,

Албан даалгаврын хэрэгжилтэд хяналт тавьж, мэдээ тайланг аймгийн Онцгой байдлын газарт 2023 оны 6 дугаар сарын 09, 2023 оны 11 дүгээр сарын 10-ны өдрийн дотор тус тус ирүүлэхийг холбогдох дарга нарт үүрэг болгосугай.

ЗАСАГ ДАРГА



Ц.ЧОГСОМЖАВ